

Na osnovu člana 90. Zakona o osnovnom odgoju i obrazovanju ("Službene novine Kantona Sarajevo" br. 10/2004 i 21/2006), a u skladu s članom 128. Pravila JU OŠ "Velešićki heroji", Školski odbor JU OŠ "Velešićki heroji« Sarajevo, na sjednici održanoj dana 19.12.2006. godine, d o n o s i

KODEKS

Kojim se utvrđuju pravila ponašanja za nastavnike/nastavnice, roditelje učenika/učenica i za učenike JU OŠ "Velešićki heroji" Sarajevo.

1. NASTAVNICI/NASTAVNICE

I

Nastavnik/nastavnica je javna ličnost.

To znači da treba uvijek imati na umu sljedeće:

- da poštuje i primjenjuje etička načela i norme moralnog ponašanja
- da vodi računa o prikladnom odijevanju u svim situacijama (obavezno nošenje radne odjeće)
- da se adekvatno ponaša na svim javnim mjestima i poštiva pravila ponašanja
- da je informiran o svim javnim događanjima koja bi mogla biti predmet zanimanja djece.

II

Komunikacija

Podrazumijeva pravilnu kulturu izražavanja.

Nastojati poštivati pravilo:

"Svoje probleme ostaviti pred školskim vratima."

a) Komunikacija s djecom:

- konstruktivna
- direktna
- poučna
- inspirativna i motivirajuća
- blaga i topla
- bez korištenja neprimjerenih izraza
- bez upuštanja u privatnost djece
- uz uvažavanje svakog pojedinog djeteta i njegove ličnosti

- s intencijom građenja partnerskog odnosa uz uvažavanje i poštivanje autoriteta

b) Komunikacija s roditeljima:

- poslovna i profesionalna
- bez narušavanja privatnosti osim slučaju kada je u pitanju interes djeteta
- komunikacija samo po dogovoru, po pozivu na individualne i grupne sastanke
- u razgovoru biti odmjeran i koristiti izraze koji ni u kojem pogledu neće emocionalno povrijediti
- svaki razgovor s roditeljem treba biti fokusiran na informiranje o njegovom djetetu
- odluke koje su u interesu čitavog odjeljenja donositi zajednički
- nepoželjna komunikacija telefonom

c) Komunikacija s kolegama podrazumijeva:

- međusobno poslovno uvažavanje
- međusobno podržavanje pred djecom i roditeljima
- prihvatanje svake kritike kao pozitivne i dobronamjerne
- poštivanje privatnosti
- podržavanje i stimulisanje pozitivnih stavova i metoda rada
- izbjegavanje konfliktnih situacija
- razgraničiti privatno od poslovnog
- nepoželjno razgovaranje o problemima na mjestima koja nisu za to predviđena
- međusobno surađivanje za dobrobit djece i roditelja
- nepoželjno davanje bilo kakvih komentara o kolegama pred djecom

III

Odnos prema zajedničkoj imovini

Da bismo imali što bolje i kvalitetnije uslove rada, važno je imati odgovoran odnos prema školskoj imovini.

- Prema zajedničkim nastavnim sredstvima i učilima imati kolektivnu odgovornost
- Individualno voditi brigu o zaduženom inventaru
- Preuzeti odgovornost za nastavna sredstva koja se koriste

1. 1. ZAKLJUČAK

A PITAMO SE ZAŠTO I ČEMU SVE OVO?

JER UČITELJ NIJE SVAKO. ON NOSI SVOJU LIČNOST I TISUĆU DRUGIH U JEDNOJ KOŽI. KAO TAKAV, ON JE SIMBOL, PRIMJER I NADASVE UZOR U SVAKOJ SITUACIJI I NA SVAKOM MJESTU LOŠIMA DA POSTANU DOBRI, NEISKRENIMA DA POSTANU ISKRENI, LJUDIMA DA POSTANU LJUDI.

2. RODITELJI

IV

- Roditelj bi u komunikaciji sa nastavnikom/nastavnicom trebao biti odgovoran i tolerantan
- Ostvariti pozitivnu saradnju uz uvažavanje ličnosti nastavnika/nastavnica i učenika/učenica
- Ne uključivati se u privatnost drugih (učenika/učenica, roditelja)
- Roditelji u školi trebaju imati adekvatno ponašanje i garderobu
- Nije poželjno razgovarati o djetetu van prostora škole i vremena predviđenog za informacije i roditeljske sastanke
- Roditelji ne trebaju podržavati dijete u lošim navikama
- Roditelji trebaju biti pozitivan primjer djetetu
- Roditelji se trebaju uključiti u život i rad škole
- Roditelji trebaju poštovati, uvažavati pravila JU OŠ "Velešićki heroji"

3. UČENICI/UČENICE

V

- Učenici/učenice trebaju poštovati početak nastave
- Trbaju se ponašati u skladu sa pravilima škole
- Trebaju se pristojno odjevati, primjereno godinama
- Trebaju voditi brigu o ličnoj higijeni i ne dolaziti našminkane u školu
- Nije dozvoljeno duže zadržavanje u školskom dvorištu poslije nastave
- Učenici/učenice trebaju pokazati poštovanje prema ličnosti nastavnika/nastavnice i vršnjaka
- Učenici/učenice trebaju razvijati toleranciju i partnerski odnos sa vršnjacima
- Učenici/učenice trebaju čuvati školsku imovinu

4. PRELAZNE I ZAVRŠNE ODREDBE

VI

Nastavnici/nastavnice, roditelji i učenici/učenice će postupati u skladu sa ovim Kodeksom, te korektno i u potpunosti poštovati i primjenjivati odredbe ovog Kodeksa.

VII

U slučaju eventualnih nedostataka ovog Kodeksa, primjenjivat će se odredbe Zakona o osnovnom odgoju i obrazovanju i odredbe Pravila JU OŠ "Velešićki heroji".

IX

Ovaj Kodeks stupa na snagu danom usvajanja od strane Školskog odbora.

Broj: 06 – 733/06
Datum: 19.12.2006. godine

PREDSJEDNIK ŠKOLSKOG ODBORA
prof. dr. Besalet Kazazović